

明通鑑

第一函
第八冊

紀四十四 起重光協治盡元
默諸難凡二年

武宗毅皇帝

正德六年春正月王子朔巡撫林俊大破瀘州之賊于江津俊以藍鄙二賊未滅遣人招諭曹甫甫佯聽命而令其弟瑄刼掠如故指揮李蔭斬瑄首賊遂移江津分七營將攻重慶俊發酉陽播州土兵助蔭遂以元旦掩破其四營賊遁入民家焚之盡斃乘勝搗老營指揮汪洋中伏死蔭復進去賊十五里而軍甫以數十騎突出遇蔭兵敗走官軍乘勝進圍之俘及焚死者二千有奇預異紀事本末憲章錄俱系破江津賊于是年正月之朔中有一元旦夜半語蓋據奏報之文也實錄中載之二月據紀事參明史俊傳書之甲子大祀南郊 戊辰林俊奏報吳景死事狀言賊至江津御史俞繼避入重慶

委景及都指揮龐鳳禦之鳳要景與俱走景不可卒與史張俊迎敵手殺三賊矢被面亟收兵入保而城已陷乃大呼曰甯殺我毋殺百姓賊強之跪不屈遂與俊俱死詔贈恤賜祭葬仍立祠江津祀之預異吳景死事在去年十二月實錄

所記正月蓋奏報之月日也惟陷江津之賊明史林俊傳作瀘州賊曹甫据實錄則云重慶人曹弼增識于此癸酉四川賊陷營山分巡僉事王源死之源行部川

北會藍鄙諸賊自大甯竹山轉掠通巴至營山源率典史鄧俊禦之賊縱火焚門源開門力戰遂與俊同遇害維時總制洪鍾已至蜀檄陝西湖廣河南兵分道進剿而林俊方破江津之賊不遑顧曹甫眾潰遁俊乃還兵

與鍾會而鍾與俊議不合軍機牽制盜卒不戢 乙亥以四川布政使高崇熙為右副都御史巡視四川會洪鍾等討賊 丁丑南京御史周期雍王佩奏前忤瑾建言諸臣牧相任惠貢安甫等及以事獲罪于瑾之趙士

賢李夢陽等如其年力才識可用者乞復其原職吏部覆以為請從之 是月改楊一清為吏部尚書以孫交掌戶部又以南京兵尚何鑑為刑部尚書 以王守仁為吏部主事守仁以五年陞廬陵知縣其年冬聞瑾敗

始入觀授刑部主事至是改吏部又起李夢陽為江西提學副使改異守仁陞廬陵知縣在五年尋陞刑部主事在五年十二月證之文成年譜其年冬人觀政授刑部是年 二月丙申寅鑑伏誅錮其子孫五人于西內 王寅巡視四川高崇熙奏播州楊友之亂復改吏部今据之

請撫之責令立功贖罪初友編置保甯與其弟愛不相能諸苗構煽挾友糾眾攻播州焚愛居第及公私廨宇畧盡愛屢奏于朝至是四川盜熾恐友乘衅而起故崇熙以其與江津不同因以撫請兵部議友叛逆已著若復柔之以德慮諸蠻效尤宜調土人及四川兵征之俟其悔過歸誠撫之未晚從之 停江西徵派物料及燒造糞器以地方災故也 己酉起左都御史陳金總制江西等處軍務時樂平姚源洞賊汪澄二等攻安仁縣

陷之巡視御史王哲及鎮守太監王嵩會兵討之不克指揮秦勲通判梁奎等死焉而東鄉賊王鉅五徐仰三等瑞州賊羅光權陳福一等及贛州大帽山之賊何積欽等方熾廷議以江西盜賊蠱起官軍屢失利宜簡大臣一人總制軍事時金守制家居遂起之南直隸浙江福建廣東湖廣文武將吏俱聽節制都指揮以下不用命者得專刑戮嵩等請調廣西狼土兵爲助金亦以屬郡兵不足奏請從之尙書楊一清復薦雲南按察副使吳廷舉蘇州同知李嘉言俱有才略乃授爲江西參政僉事俾統領土兵佐金等平賊 是月召工部侍郎李鎧還鎧築大名隄工未竣又請增築陳橋集銅瓦廂設副使一人專理會河南盜起命姑已其不急者乃召鎧而委其事于副使堤役自此復罷 致墨據明史河渠志李鎧召還是在是月今從之 三月甲寅山東賊四十餘騎刦掠彰德府回龍驛

入延津轉封丘長垣東明曹等縣百戶張世祿死之詔山東河南南北直隸巡撫都御史防守要害 丁巳巡撫薊州都御史李貢等奏霸州劉六劉七齊彥名等流刦山東殺斃京營指揮張英等六人詔巡撫都御史蕭

翀會貢分督副總兵守備統領官軍隨賊所在討之 戊辰賜楊慎等進士及第出身有差愼大學士廷和子也 庚午小王子諸部入河套寇掠沿邊諸堡巡撫延綏都御史黃珂會同填巡官擊卻之斬首六十四級獲

馬九十三匹提聞賜敕獎勵 命惠安伯張偉充總兵官右都御史馬中錫提督軍務帥京營銳卒討畿輔山東河南之賊先是劉六等既叛復四出刦掠部檄下有司緝捕安肅知縣獲齊彥名繫之獄六等率眾刦去旬

日間號召至數千畿南大震有趙風子鏐者故文安諸生聞劉六等之亂挈家匿渚中賊得之驅之登陸將汙

其妻女鏐素驍健有膂力手格殺二賊賊聚執之遂入其黨爲渠魁自是賊勢益橫延蔓山東河南界上連攻濱州臨朐臨淄昌樂日照蒲臺武城陽信曲阜等縣及泰安州皆破之日照典史余清巡官司福禦之皆被殺

尙書楊一清建言推用大將及文臣有才望者提督軍務遂有是命 丙子太監張永傳旨近來各處盜賊縱

橫多因水旱衣食維艱有司不能振恤遇朝廷下詔蠲免視爲具文徵解重複以致小民冤抑無伸流離失業

相誘爲非苟延性命日復一日實可矜憐其令都察院出榜分給直隸山東河南四川江西湖廣陝西福建兩

廣用兵地方凡被寇之府州縣概免稅糧一年 己卯賊犯信陽州指揮僉事馬振等督兵城守賊解去追擊

至湖廣應山縣境官軍失利振及信陽衛指揮陳鎮皆死焉詔參將宋振分兵千人赴河南會守臣協勦 夏

四月癸未大學士劉忠致仕忠累疏乞休不許至是復以省墓爲請賜敕給驛歸是年忠典會試甫畢上以試

錄文義多舛召李東陽示之忠知爲中官所齟遂有是請抵家再上章乞致仕許之

致異據薛氏憲章錄言忠致仕之由謂禮部費宏摘

其會試錄中疵謬語粘貼文字旁註中官入奏張永進之于帝遂有致仕之請王命州史乘放誤辨其必無此

事今按錄中忠傳但言爲中官所齟三編中並言張永嘗遣廖鵬謁忠忠僕隸遇之又御其饋永大恨云

云然則忠之以會錄得譴即永所構也證之實錄但云上摘其文字之疵不言中官亦無一語及費宏是憲章

錄之不足信明矣且據實錄忠省墓之請在會錄未進之先而以此謂爲宏所構是誣宏也今第據明史書之

餘詳攷 癸卯總督漕運兼巡撫鳳陽都御史陶汝等奏淮安賴榆等處盜賊蠡起乞處置兵食下戶部議請

以運司鹽課銀十萬兩及截留本年鈔關所入給之因言淮民造麴者歲糜麥數十萬石請權時禁之不許

霸州賊五六百騎自青城過壽光攻濰縣知縣張志皋先期遁去防守指揮張陞知事杜德銘死之 五月甲

寅四川盜藍廷瑞自鹽亭縣焚劫富村及柳邊驛殺百戶賈雄茂州知州汪鳳朝與戰馬蹶而死盜遂攻破梓

潼掠蓬劍二州劍州判官羅明及其子介義官王思政鄭廷祿等禦之不克明父子罵賊死思政廷祿並遇害

詔贈卹死事者而令洪鍾會林俊合兵討之 庚申以蝗災免陝西華州渭南十一州縣去年稅糧 己巳河

南盜由湖廣應山縣破雲夢掠黃州官兵追敗之乃趨江西掠星子縣都指揮趙鉞敗之于左蠡復還湖廣

丙子命太監張永會兵部尙書何鑑及科道官各一員選京營軍南京太監黃偉會科道官各一員選南京軍

備討賊也 是月以提督軍務右都御史馬中錫爲左都御史右副都御史王鼎爲右都御史中錫俟賊平回

掌院事兵部尙書王敬坐瑾黨乞致仕改何鑑爲兵部尙書明年始以刑部侍郎張子麟進尙書代鑑 四川

松潘之賊復起有綽嶺寺僧倡之遂聚眾焚紅花屯指揮胡甯與戰被執復據黃土坡山殺千戶史寬總制洪

鍾請改巡視都御史高崇熙提督松潘軍務兼理巡撫從之 六月癸未山西盜李華等起逆璉黨亡命者多

從之眾至千人衣幟皆赤與劉六等合掠壺關縣之趙村大肆焚戮藩王乞師詔切責鎮巡官令軍衛有司失

事者俱停俸帶罪殺賊致異明史本紀是月山西盜起證之實錄在是月南京十三道御史周朝佐等上言

三事一重操江謂長江之險武事日弛若徐鳳之盜奔突而南九江之盜順流而東何以備之請敕操江都御

史及總兵官慎選久任之士卒俾練習舟師一選官軍謂南京操備軍士壯者占役私門老弱濫充行伍其把

總管隊官又皆非將材乞令南京兵部會科道官閱選有例外多占軍伍投充勢要者太監總兵而下悉令指

實劾奏一嚴守備謂南京城中盜出入自如往往歲有盜洪武門金獸環者守衛之疎可知矣乞令各城門守臣

嚴加戒備有私役賣放者據實重處詔下所司依議行之 己丑江津賊曹甫餘黨方四等以正月之敗遁走

綦江旋流入貴州之思南石阡等府不受撫與花水盜任倖舟合聚眾至二千人號萬人勢復振官軍與戰不

利踰月遂陷婺川龍泉坪焚烏江屯寨四十巡撫湖廣都御史陳鎬奏調承順保靖土兵征之 甲午霸州賊

楊虎等自河南至山西由山西十八盤山還破武安縣毀臨沼關掠威曲周武城清河故城等縣及景州東西

關由淮鎮店渡河直入文安與劉六等合六七等自湖廣江西仍由故道入長清齊河等縣直抵霸州所至縱

橫如蹈無人之境時都指揮桑玉迎勦與劉六劉七遇于文安村中六七匪民家樓上欲自刎玉素受賊賂故

緩之有頃齊彥名持大刀殺傷官軍數十人直至樓下大呼救兵至六七遂彎弓注矢出射殺數人去守臣請

益兵詔署都督同知張俊充副總兵率京營兵千人援之 乙未江西華林山盜陳福一等攻陷瑞州府指揮

通判皆先期遁詔陳金分兵捕之 戊戌巡撫陝西都御史藍章奏請撫四川賊先是湖廣承順土兵敗賊于

陝西之石泉藍廷瑞遂走漢中都指揮金冕圍之食竭力盡時章統兵駐漢中廷瑞遣其黨何虎等詣章乞還

川就撫章以廷瑞本川賊恐急之必致死陝且受患遂令冕護之出境至是以聞兵部以爲非策且令總制填

巡官會議便宜行之致異明史紀事本末藍賊請撫在六月與實錄合而所載六月十四十五十六日之事皆誤也實錄據藍章奏至之日系之戊戌而賊之請撫又在其前今以爲藍賊約期出降延至六月十四日始至信地固已舛誤而至謂十五日廷瑞結昏于承順土舍彭世麟冀得間逸去世麟伴受之密以白鍾鍾授方畧使圖之遂以十六日禽藍郎等此尤誤也鍾等之禽二賊事在八月明史本紀及實錄皆

同而實錄記其請降以後之事皆在七八月間則紀事之明著日分必
有脫誤所謂六月十五十六等日者恐即八月誤入爲六年今據正史

是月起右副都御史周南巡撫南贛

江漳等處先是守臣奏其地四省接壤盜賊出沒宜仍設巡撫官以統治之故有是命巡撫之設自南始該也
南贛設巡撫始于宏治十年見職官志中後秋七月丁巳賊陷棗強縣知縣段牙死之先是賊薄城牙率眾

捍禦斬賊二百餘人賊首一人賊怒攻圍益急越三日城陷牙身中數矢一鎗猶瞋目奮呼曰殺賊殺賊知不

可爲乃赴水死賊怒殺其爲首者遂屠其城死者四千八百餘人絕者五十餘家時參將宋振駐兵縣東門與

賊對語不發一矢賊尋引去事聞贈牙太僕少卿錄其子科道交劾振詔令戴罪自贖 壬申劉六劉七楊虎

等合犯文安密邇近郊京師戒嚴癸酉兵部尙書何鑑以盜賊縱橫非京營軍所能制延綏二鎮游奇兵多邇

來邊警稍緩請調副總兵許泰馮禎遊擊將軍卻永各領所部泰永千人由居庸關至涿州禎千五百人由紫

荊關至保定聽提督官調遣從之調邊兵討賊自此始是時又有賊二三千人自稱劉六攻破南宮縣執知縣

孫承祖燬縣治放獄囚又掠甯晉皇莊事聞兵部請停二縣掌印巡捕官俸責限滅賊且許招募土兵立功陞

賞毋爲賊用從之 是日太白晝見踰月方止凡十二日 乙亥盜攻江西臨江府破之總制副都御史陳金

前請調兩廣土兵未至詔復趣之 八月己卯命兵部侍郎陸完兼右僉都御史提督軍務統宣府延綏及京

營官軍勦直隸山東河南之賊時馬中錫師久無功兵部尙書何鑑劾其玩寇奏遣完代之故有是命 總制

都御史洪鍾巡撫四川都御史林俊禽斬四川盜首藍廷瑞鄢本恕及其黨二十八人初廷瑞等倡亂蜀中二

三年間烏合十餘萬人僭號稱王置四十八營攻城殺長吏流毒三省俊及鍾連年征討不克及賊爲湖南土

兵所敗走漢中求撫巡撫藍章遣人護之還蜀鍾傳令至東鄉聽撫而賊意在緩師遷延累月依山結營要求

營山縣或臨江市屯其眾要官爲質鍾令漢中通判羅賢入其營本恕來謁約既定會官軍有殺其樵採者賊

復疑懼遂殺賢剽如故欲乘間脫走官軍爲七壘守之不得逸廷瑞乃以所掠子女詐爲己女結昏于永順土

舍彭世麟世麟伴諾之密白鍾鍾授方畧使圖之及期廷瑞本恕暨其黨王金珠等二十八人皆來會伏發悉

就禽惟廖麻子得脫其眾聞變驚潰渡河鍾遣兵追擊俘斬七百餘人于是鍾俊及藍章各以捷聞得旨陞賞

賜敕獎勵改畧禽斬藍郢二賊明史本紀系之八月己卯實錄同是月戊寅朔己卯乃八月二日也紀事本末以爲六月十五十六等日者不特月分相差卽干支亦全不合今悉據本傳甲申陸完

出師至涿州忽報賊犯固安上召李東陽楊廷和梁儲至左順門問曰賊在東師乃西出恐緩不及事宜令兵

部追還陸完使東出東陽等曰甚當但恐官軍在北賊若南奔益不可制上曰張俊等皆在南料亦無害東陽

復奏曰願朝廷賞罰嚴明諸將効力必有成功上領之丙戌召總兵官張偉都御史馬中錫還中錫書生不

習兵事偉亦紈袴子見賊強諸將怯度不能破賊乃議招撫謂盜本良民由中官貪黷所激若推誠待之可不

戰降遂下令賊所在勿捕過勿邀擊饑渴則食飲之降者待以不死賊聞欲就撫相戒毋焚掠猶豫未定尋朝

議調宣府延綏兵中錫欲戰則兵未集欲撫則賊時反覆終不得要領既建議主撫不能變會劉六等聞邊兵

且至退屯德州桑園中錫輿入其營開誠予之酒食慰諭之眾拜且泣送馬爲壽六慷慨請降七乃仰天咨嗟

曰騎虎不得下今奄臣柄國人所知也馬都堂能自主乎遂罷會而是時方詔懸賞格購賊六等偵知之益疑

懼徑去焚掠如故獨至故城戒毋犯馬都堂家由是中錫謗大起謂其以家故縱賊言官交劾之下詔切責中

錫猶堅持其說以請兵部尙書何鑑謂賊誠解甲則貰死卽不然毋爲所誑旣而六等終不降乃遣陸完代之

乙巳下都御史馬中錫惠安伯張偉于獄以六科十三道先後劾之也下法司鞫問皆論死中錫死獄中偉

革爵初中錫受命討賊大學士楊一清曰彼文士耳不足任也竟無功改畧明史思澤表偉無革爵事以嘉靖十四年卒贈太師諡康靖或以外戚故

施革旋復耳實錄亦云革太保祿米開仕今據明史中錫傳書之九月己酉流賊楊虎等二千餘人攻澹州奪船爲浮橋列兵圍之數重知

州張奇鹽運使楊遂等分城守禦焚其橋圍三日不克會浙江解兵器至以弓弩藥矢焚賊攻城梯具劉六劉

七中流矢走先是六等倡亂官兵望風先遁至是副總兵許泰游擊將軍卻永等兵出霸州平口迎戰斬數百

人賊始懼南奔于是天津指揮賀勇等遏之于信安鎮又敗之泰復追擊于東光半壁店禽斬二百七十餘人

永再破之景州鑑橋集未幾馮禎破之于阜城卻永破之于東強永又會泰敗之于叁老集及薛官屯皆楊虎

黨也餘賊東奔皆從劉六于是勢復熾庚申四川賊藍郢餘黨復自陝西漢中流入甯羌州沔縣等處遂及

略陽徽州成縣皆破之指揮王韶屯河不敢出徽州知州成縣知縣皆不戰而遁畧陽扶風知縣敗而遁千戶

侯爵百戶瓦剌舍人郭玘等皆死焉先是任扶風知縣者爲孫璽巡撫藍章以畧陽爲漢中要地舊無城檄璽往城之工未竣賊至縣令嚴順欲遁璽拔刀所坐凡曰欲去者視此乃率僚屬堅守數日城陷璽被執大罵不

屈賊齧殺之順遁去誣璽俱逃溺于江以他人尸斂璽子紹相訟于朝稱其父拒守凡五日力屈而死盜投之

江中下巡按覈實如紹相言踰年方賜贈卹

致異事見明史忠義傳在是年今彙記于扶風畧陽被陷之下

癸亥命都指揮張勇充副總兵

官赴江西勦賊先是陳金以兩廣土兵將至議調參將金堂及勇統之至是以兩廣多賊堂分守潯梧不可去

乃以勇統兵別設把總二人 丙寅陸完請益兵詔再調宣府及遼東兵給之 己巳廣東流賊三千餘人入

江西永豐縣

此吉安府所屬縣

知縣朱璉逃去遂破樂安新淦參政趙士賢及知縣皆被執士賢吏走臨江索銀贖之

仍敕陳金趣調兩廣土兵分道勦捕 是月四川賊方四等復攻江津林俊督酉陽播州石砮等兵分三道擊

破之尋遣人招撫不從翌日副使李鉞分兵爲六哨四面蹙之破其中堅禽賊首任鬍子等賊大敗追殺三十

餘里斬首一千八百餘級生禽方四妻妾未幾賊見官兵少還擊殺千戶田宣再延質等方四妻妾復逸去遂

率餘賊二千餘人遁入思南境內 冬十月癸未流賊入山東長山縣典史李暹與戰殺數十人中流矢卒

甲申賊劉六等攻濟甯州不克焚糧艘千二百有奇陸完遣張俊往援運船不及遂與漕運總兵鎮遠侯顧仕

隆都御史張縉及濟甯州衛官俱被劾詔俱停俸帶罪自贖 丙戌劉六寇曹州屯裴子巖馮禎卻永等迎戰

斬首三百餘級又追至集北禽斬千八百餘人又獲賊首朱千戶餘黨遂遁 丁酉小王子犯陝西山丹境都

指揮張鵬擊卻之尋犯甘州副總兵白琮與戰于黑柴溝斬首百六十三級獲馬駝牛騾甚眾賜敕獎勵 戊

戌賊方四等四千餘人自貴州石阡踰馬腦關復入四川碁江縣陷之百戶柳芳義官曹騰皆戰沒巡撫林俊

奏調總兵楊宏都御史高崇熙會勦從之 是月太監張永奉敕揀選團營官軍得十二萬三千七百有奇永

請于將臺下精選六十萬爲正兵又每營各選三千爲奇兵共四萬二千人隨時操練以備調遣 提督軍務

侍郎陸完奏賊千餘人自宿遷渡河攻虹縣去鳳陽皇陵不遠而賊劉六等在沂莒間京邊兵少不能兩援請

敕河南都御史鄧璋直隸都御史張縉會兵防禦南直隸京操班軍亦宜留守諸從之仍令完度賊勢緩急別

議調軍 十一月庚戌命太監谷大用提督軍務伏羌伯毛銳充總兵官統領京軍五千人會陸完討賊時完

奏邊兵屢捷大用謂賊可卽平故謀督軍以出冀亦如甯夏論功也攷異谷大用毛銳領京軍明史本紀所載誤也憲章錄系之十月亦非今據本紀實錄至太用之出諸書皆以此事非書生所 丙辰命戶部侍郎叢蘭

能辦惟實錄謂完討賊屢捷大用等亦欲如甯夏論功故有是請此得其實今據之

振濟南直隸及河南南京戶部侍郎王瓊振濟北直隸及山東時各省災祲被寇給事中張潤等奏請發帑分

振戶部覆奏四川江西等處令巡撫督有司振之南北直隸山東河南特遣二人遂有是命蘭奉使未至而河

北賊自宿遷渡河將逼鳳陽乃命蘭以本官巡視盧鳳滁和兼理振事 巡撫四川右都御史林俊致仕俊在

軍與總制洪鍾議多左而中貴子弟欲冒軍功者輒爲所格御史俞繼走避賊而僉事吳景戰沒繼慙欲委罪

于俊遂劾俊累報首功賊終不滅加以鑿井毀寺逐僧徒迫爲賊于是俊前後被切責會藍鄙二賊就禽方四

屢敗俊辭加秩及賞乞以舊職歸田詔不許辭秩仍聽致仕言官交請留不報俊歸士民號哭追送攷異事見明史俊傳

特書云時正德六年十一月也證之實錄在十一月丙辰憲章錄系之八月乃平蓋 戊午京師地震保定河

鄆二賊之月俊之加秩蓋在其後紀事本末系之九月亦誤也今據本傳及實錄

間二府薊州及畿南八縣三衛同日震皆有聲如雷動搖居民房屋霸州尤甚三日中十有九震又山東武定

州亦同日震攷異明史五行志但言八縣三衛證之實錄八縣則長鄉房山固安東安寶坻永清文安大城也

輔也今仍據明史志書之 辛亥詔百官修省 乙亥命用兵所在遼暴骸 十二月丁丑小王子犯宣府龍門所守備趙

瑛都指揮王繼死之 己丑以旱災免浙江長興天台等六縣暨昌國衛稅糧 癸巳以禮部尙書費宏兼文

淵閣大學士預機務是秋宏自侍郎進尙書上耽于逸樂早朝日講俱罷宏上疏切諫報聞而已及是劉忠致

仕遂以宏代宏旣入閣以禮部侍郎傳珪爲本部尙書尋進楊一清少保兼太子太保一清固辭不許 甲午

黃河清自清河口至柳鋪九十餘里自是至丙申凡三日 辛丑四川賊麻六兒等自陝復入川剽掠兵備副

使馮傑率兵追擊于蒼溪縣之鐵山關敗績死之攷異馮傑戰死于鐵山關據實錄在是年十二月辛丑又系

日 是月以總理河道右副都御史張鳳巡撫山東仍兼河道右副都御史彭澤巡撫直隸保定等府 以旱

災免陝西慶陽西安等府稅糧 是冬谷大用等出師見賊勢方熾駐臨清不敢進劉六尙在山東而楊虎

陷宿遷執淮安知府劉祥靈壁知縣陳伯安連陷虹永城虞城夏邑及歸德州邊兵追及賊退至小黃河口百戶夏時設伏躡之虎溺死餘賊奔河南復推劉二名患者爲首大敗副總兵白玉軍攻陷沈丘縣丞杜斌死之殺都指揮王保執都指揮潘狃射殺河南布政司經歷任傑北陷鹿邑有黨陳翰者與甯龍謀奉惠爲奉天征討大元帥趙鏐副之翰自爲侍謀軍國元帥府長史與龍立東西二廠治事分其軍爲二十八營以應列宿各置都督聚眾至十三萬欲歧出以牽制官軍于是惠鏐擾河南劉六兄弟及齊彥名等擾山東黨分爲二己而劉六復轉而北卻永敗之濰縣還走霸州會上以明年正月有事南郊舊制以十二月朔省牲于是賊謀以是日乘間犯駕尙書何鑑奏聞亟召陸完赴援卽夜嚴設守備厥明鑑請上早出安人心遂成禮退賊知有備西掠保定諸州縣以去完擊破之文安賊南至湯陰完又督諸將追敗之先後俘斬千人 劉七之入山東也所過州縣率閉城守或棄城遁或遣之芻粟弓馬乞賊勿攻先後破者九十餘城惟樂陵知縣許達慨然爲戰守計縣初無城督民版築不踰月城成令民屋外築牆塢高踰簷啟圭竇纔容人家選一壯者執刃伺竄內餘皆入隊伍日視旗爲號違者軍法從事又募死士伏巷中洞開城門賊果至旗舉伏發竄中人皆出賊大驚擾斬獲無遺後數犯數卻之遂相戒不敢近事聞進秩二等同時知縣能抗賊者益都則牛鸞鄒城則唐龍汶上則左經濬縣則陳滯然所當賊少而達屢禦大賊有功遂與鸞俱超擢兵備僉事其抗節不屈而死者則登州通判邵章萊陽縣丞陳韜萊蕪知縣熊驂主簿韓瑋也

攻異能驂韓瑋見明史忠義傳據實錄七年正月賜登州府通判邵章爲知府萊陽縣丞陳韜爲州判各賜祭一壇

二人當亦在是年死事之列並揭增 賊之擾河南也上蔡知縣霍恩與典史梁達共守賊至恩語妻劉曰脫有急汝若何劉誓同死乃築臺廨後約曰見我下城卽賊入矣及城陷恩拔刀下城劉臺上見之卽縊未絕以簪刺心死恩被執賊脅之跪罵曰吾此膝豈爲賊屈乎賊曰殺人以懾之罵益厲賊以刀抉其口支解之達自經死西平知縣王佐聞賊起練民兵爲守具拒賊于城上手殺數十人矢斃其渠帥賊忿急攻三日佐力竭被執罵不絕口賊懸諸竿殺而支解之縣丞毛繡亦遇害葉縣知縣唐天恩賊至與其父政等七人俱死永城知縣王鼎城陷繫印于肘端坐待賊不屈死裕州同知郁采與都指揮詹濟鄉官任賢共堅守斬獲多城陷被執采罵不輟賊碎其

輔類而死濟亦不屈死賢嘗爲御史方里居招邑子三千人拒守罵賊死一家死者十三人西華知縣李景拒賊死教諭孔環自來安知縣爲劉瑾黨所陷左遷是職賊陷西華環被執賊曰呼我王卽釋環厲聲曰我恨不得碎汝萬段肯媚汝求活耶遂被殺固始丞曾基被執使馭馬不從遇害夏邑丞安宣方之官聞賊至或勸勿往宣兼程進抵任七日賊大至拒守有功城陷死之息縣主簿邢祥已致仕城陷罵賊死時又有鹽運使同知徐天英封御史朱紀皆以守城被害又陣亡指揮景瑞等三十三人皆不得其月日其賊擾南畿抗節而死者則靈壁主簿蔣賢指揮同知梁文也

攷異此所載死事諸人皆是年河南山東被擾前後事並據明史忠義傳又西華知縣李景及徐天英以下三人皆據三編補入

七年春正月甲寅賊復犯霸州京師戒嚴兵部尙書何鑑請敕陸完及谷大用毛銳還禦近畿其分擾山東之賊責之邊將許泰卻永劉暉李鉉河南之賊責之邊將馮順時源神周金輔周英子也 丁巳賊入大城縣知

縣張汝舟與主簿李銓迎戰不克皆死之汝舟子策與故典史張俊之子信生員楊思恭醫士孫堂同遇害詔分別賜贈卹

攷異據明史本紀及忠義傳惟載主簿李銓與汝舟同戰死其汝舟子策以下四人皆據實錄增

己未大祀南郊是時賊方敗于湯陰北走交

河遣京師團營分布近畿又調遼東兵至屆期成禮而還 癸亥賊自安肅博野攻蠡縣遂至臨城主簿張俊率兵拒之斬其酋一人遂遇害詔從重褒卹

攷異張俊死事明史不載此亦據實錄增此與大城典史之張俊似非一人蓋姓名偶同耳

是月兵部奏議

平賊賞格各官軍能用命禽斬賊三名賞加一級獲賊首一人者授世襲正千戶賞銀千兩其將領亦陞三級賞如之有能禽滅劉六楊虎之等者如甯夏例待以封爵無所吝報可是時賊黨雖眾多脅從者其精銳不過

千餘人自兵部首功令下官軍追賊賊輒驅良民當之急則棄所掠逸去官兵所殺皆良民故捷書屢奏而賊勢不衰 伏羌伯毛銳勦近畿之賊會賊自臨城出遇于長垣銳與戰大敗谷大用擁眾觀望不敢進銳率師

至真定復大敗身被傷失將印會許泰援兵至銳僅以身免言官交章劾乃與谷大用竝召還

攷異事見明史毛忠傳特書于

是年之正月而實錄不載 諸書亦系之正月今從之 二月丁丑以咸甯伯仇鉞爲平賊將軍偕副都御史彭澤提督軍務討河南賊太監陸閻監軍時河南賊劉惠趙鑑等連破州縣親王守臣告急日至乃以命鉞兵部會議請以文臣一人提督討賊事澤方擢右副都御史巡撫保定未行復有是命澤陳便宜十一事厚賞峻罰以激勸將吏從之 己卯

賊陷利津

山東賊犯萊州界指揮僉事蔡顯率兵禦之不克與其三子淇英順同力戰死舍人劉勲劉仲武

臣等皆殉焉詔贈顯父子官卹其家

有舍人劉勲以下三人今據增

丙申副總兵時源敗河南之賊于陽

武斬首三百七十餘級

是月四川賊方四籌復入川南陳金以兩廣土兵至先議勦東鄉之賊遣參議徐蕃

等分屯要害

三月丙午朔巡按山東御史張璿言山東生民被害已極賊之自北而東也則由樂陵海豐壽

光安丘以入青州其自南而西也則由莒沂滕嶧以趨東充縱橫荼毒朝廷命將出師宵旰不遑而渠魁未殲

徒黨愈熾一月而兩趨霸州震動畿輔者其害有三一曰蠲征無實今賊徒被脅自首者得免糧稅三年而瘡

夷溝壑之民迫于官司以辦公家之稅不早停免是爲盜毆民也一曰亢兵太多今奏帶將士皆膏粱遊子未

經戰陣遇賊輒藉邊兵以自衛而邊兵有功輒怙勢而奪之何以服人心而一軍令一日事權不一今總督提

督互相是非發謀命將經宿而後定故機事泄而功不成其言皆切中時弊詔下所司議行 己未賊陷碭山

蕭睢甯等縣睢甯主簿金聲邱紳義士朱用之皆力戰死之 辛未副總兵時源敗績于河南都督僉事馮禎

死之先是劉惠趙鏐連陷河南州縣駐師西平會詔仇鉞彭澤澤出師又以河南之賊專責之禎源等于是禎源

會參將神周金輔敗惠鏐于西平賊奔入城官軍塞其門乘夜焚死千餘人斬馘甚眾餘賊潰而西時仇鉞彭

澤等尙未至巡撫鄧璋等以爲賊不足患朝崇王于汝甯宴飲連日賊招散亡陷鄆陵滎陽汜水鞏遂圍河南

府三日諸軍始集賊屯洛南規官軍饑疲迎戰右哨金輔不敢渡洛禎及源周方陣而後哨參將姚信所部京

軍先馳失利遽遁還陣亂賊乘之禎下馬殊死戰援絕死焉由是賊勢復張禎殉難之地明年是日風霾大作

又明年亦如之敕有司建祠歲以死日致祭 夏四月丙子太監谷大用奏請陞賞陸完許泰等下兵部議以

四方盜賊蠭起雖捷書屢奏而賊首未禽宜通侯功成之日奏請定奪其有功者且令紀功官勘實以聞于是

僅賜大用敕獎勵時大用召還慙于無功故有此奏 甲申以水災免淮安府稅糧十六萬石 戊子振畿內

山東饑又發通州天津德州臨清四倉米二十萬石遣侍郎王瓊會各巡撫官振之 是月副都御史彭澤至

軍引見諸將校責以畏縮當死諸將校股栗伏罪久乃釋之遂下令鼓行薄賊是時賊聞澤至乘夜奔汝州官

軍扼之于要害賊乃走寶豐復由舞陽遂平轉掠汝州東南敗犇固始屯朱皋鎮五月丙午劉六等自山東

敗于滕嶧乃奔東萊總制陸完師次平度州令游擊卻永參將溫恭等迎勦副總兵許泰軍萊陽策應敗賊于

古城集東復令指揮傅鏜張椿夾攻其左右賊大敗山東遂平是時賊分爲二一西走騎兵追及之于淮河易

服而遁一復北走霸州犯香河寶坻玉田等縣殺參將王杲于武清畿輔復震而賊復轉南至冠縣副總兵劉

暉連敗之遂奔邳州戊申湖廣承順宣慰使彭明輔及都指揮曹鵬等敗河南之賊于朱皋鎮賊倉卒渡河

溺死者二千人斬首八十餘級餘眾悉走光山甲寅陳全勦東鄉之賊令副總兵張勇士官岑猛等並進連

敗之于赤岍蔭嶺等處禽徐仰三馘王鈺五等克柵二百六十五斬首萬一千六百餘級俘七百五十餘人撫

州遂平移師姚源改置明史本紀系平東鄉賊于是月陳金傳則書二月蓋以二月進兵丁巳巡撫南贛都

御史周南討贛州大帽山賊平之先是南之任徵集江西福建廣東三省兵督副使楊璋僉事凌相指揮孫堂

義民林富等分道進勦江西總制陳金亦遣兵來助至是江西兵自安遠入克其砦七廣東兵自程鄉入亦克

七砦福建兵自武平入克其砦八禽斬賊渠何積欽劉隆李四仔張時旺等先後斬獲五千人遂平贛州南乃

移師會金討賊于撫州改置諸書皆系平大帽山賊于正月而三編目中則云平東鄉之前一月是四月也明

州之賊是平大帽山之賊又當在前三編所丙寅盜殺總督南京糧儲都御史馬炳然于武昌江中時劉七

記未爲誤也今仍據實錄書之而附識于此等五百餘人自邳州南渡抵固始聞劉六等敗于河南遂走湖廣由團風鎮奪船十三艘溯流至夏口炳然自

蜀攜家赴南京道遇賊詐稱胥吏來迎遂登舟殺炳然投之于江其妾吳氏亦自沈死己賊焚劫漢口指揮蒲

弼等追及之禽斬六十餘人其中一箭溺水死獲其尸卽劉六及其子仲淮也閏月戊寅山東餘賊陷濰縣

時楊虎已死其妻崔氏曰楊寡婦者率千騎犯境指揮喬剛禦之賊少卻僉事許達復追敗之于高苑令指揮

張勛邀之于滄州米家屯凡俘斬二百七十餘人改置明史紀事本末作陷利己卯獲四川賊方四磔于市

四破碁江僉事馬昊率土兵敗之犇葵川復劫梁山縣與曹甫不協相攻眾遂散四變姓名潛逃開縣義官李

清獲之遂伏誅四之略梁山也時梁山主簿時植攝縣事賊至拒卻之斬獲數十級踰月復至相拒數日城陷

賊說之降不屈脅取其印不予大罵被殺妻賈聞變即自縊女九歲赴火死詔贈植表其妻女曰貞烈 方四

之亂士民之冒死殺賊者有梁山諸生趙超同友人黃甲李鳳何璟蕭銳徐宣楊茂寬趙采誓死拒守城陷皆

死都御史林俊嘉其義立祠祀之又有徐敬之者亦梁山人眾推爲部長以拒賊陷陣死雷應通嘉州人與賊

戰于百丈關父子七人倡義死戰被執俱慷慨就殺袁璋江南人素以勇俠聞林俊委勦賊所在有功後爲賊

執其子襲挺身救之連殺七賊亦被執俱死襲死三日兩目猶睜視其父俊表其門曰父子忠烈 甲申咸甯

伯仇鉞追擊河南之賊于光山遣諸將神周姚信時源金輔左右夾擊大敗之斬首千四百有奇盜眾潰奔六

安 己丑北部伊畢喇伊木等寇甘肅指揮王杲等擊卻之 壬辰仇鉞彭澤等討河南賊平之先是賊敗于

光山會湖廣軍亦敗其別部賈勉兒于羅田賊沿途潰散自六安陷舒城復還光山至商城官軍追之急賊復

南攻六安將陷時源等涉河進敗之七里岡賊趨廬州至定遠西又敗還至六安分其眾爲二劉惠與趙鏐二

弟鏐率萬餘人北走商城而鏐道遇其徒張通及楊虎遺黨數千人勢復振掠鳳陽陷泗宿睢甯定遠于是

澤與鏐計使神周追鏐時源金輔追惠姚信追勉兒勉兒復與鏐合信連敗之宿州追奔至應山其眾略盡鏐

薙髮懷度牒潛至江夏飯村店軍士趙成執送京師伏誅輔追劉惠連戰皆捷惠窘走南召指揮王謹追及于

土地嶺射中惠左目自縊死勉兒亦爲都指揮夏廣所敗獲之項城餘黨皆先後被擒凡出師四月而河南賊

悉平 趙鏐之起也稍有智計定爲部伍勸其黨無妄殺移檄府縣約官吏師儒毋走避迎者安堵由是以風

子名橫行中原勢出劉六等上嘗攻鈞州五日以馬文升家在州中舍之去有司遣人齎招撫榜至鏐具疏附

奏言今權奸在朝舞弄神器濁亂海內誅僇諫臣屏棄元老舉動若此未有亡國者乞陛下睿謀獨斷梟羣

奸之首以謝天下即梟臣之首以謝羣奸蓋其桀黠如此文昇河南人明史本紀系之是月甲申振實錄也

之春蓋與入必陽雋芳家皆同時事而明史仇鉞傳請鏐攻鈞州以馬文升方家居舍之去此沿野史之誤也

野史皆云馬文升卒于七年趙鏐入鈞州傳聞以爲是時文升尚在不知文升卒于五年六月霸州盜起于

十月故王翁州預定國史以糾呈明通紀憲章諸書之誤明史馬文升傳亦記其卒于五年是與此

錢傳中文升方家居之說自相矛盾蓋沿野史書之未及更正耳今但云文升家在鈞州爲得其實

六月癸卯四川賊方四餘黨奔甯羌遂犯沔縣官兵擊敗之追至老馬山賊與苗蠻合千戶黃虎死之 丁巳劉七等

自武昌黃州下九江經安慶太平儀真以達鎮江所過殘掠南京守臣奏乞增兵防禦廷議鎮江四達之地東南抵浙江西北抵山東逆流而上抵湖廣沿江而下則濱海傍江均宜防守請敕彭澤仇鈇統兵自湖廣而下駐南京以東陸完自山東淮揚而南駐蘇常浙江便地督操江坐營鎮巡及備倭巡海兵備三司府衛等官水陸巡防分守要害以防窮寇北潰從之 壬戌黑眚見初自河間順德二府及涿州夜出傷人有至死者尋見于京師形兼赤黑大者如大小者如猫若風行有聲居民夜持刁斗相警達旦不敢寢踰月乃息後又見于河南封丘縣 乙丑戶部侍郎王瓊奉命振北直隸山東被寇者時順天河間保定真定大名廣平六府及山東濟南青兗登萊東昌被賊殺斃男婦六萬五千有奇陣亡官軍民快人等一千五百有奇詔俱恤其家 丁卯南京御史周朝佐等奏賊以奔敗餘孽自湖廣越黃州下九江抵鎮江其舟不過十三眾不過五百而豕突縱橫如入無人之境操江都御史陳世良武靖伯趙宏澤宜如馬中錫張偉例械繫京師別簡才能大臣代之兵部亦請如奏上不許仍令世良等戴罪自効 秋七月丁丑四川賊陳二等降陳二卽曹甫也時副使馬昊偕總兵官楊宏副使張敏等分擊賊于營山蓬州等處斬千三百餘人賊勢大蹙總制尙書洪鍾乃遣人分詣賊營撫諭敏單騎入甫營甫聽命而廖麻子忿甫背己殺之并其眾敏被拘留既而送還然是役也甫黨散者幾二萬人廖麻子收甫餘眾復轉掠川東官兵仍不敢擊潛躡賊後賊良民爲功士兵虐尤甚民間謠曰賊如梳官軍如篦土兵如髻言愈搜愈密也論者咸歸咎鍾之不能戢下云 贈卹四川陣亡官軍其死事之都指揮樊煜推官吳伯鈞各贈二級賜祭一壇 初河南虞城訓導圻琮以守城禦賊被害至是其子自勝陳奏令贈卹如例 戊寅以副總兵劉暉時源卻永李鉉俱充總兵官分守山東河南南北直隸時河南山東已平令各率所部千人仍于各部選留五千人屬之假以總兵名目暫留填守仍聽提督官征調 壬午罷陳世良趙宏澤以副都御史俞諫懷甯侯孫應爵代督操江事 癸未吏部奏請起致仕尙書劉大夏韓文等詔大夏等已復職致仕勿復言 癸巳江西按察司副使周憲討賊于華林敗績死之初賊累敗食盡憲連破賊于仙女雞公嶺斬獲千餘人乘勝進攻北門三戰賊少卻憲與子幹先登賊之賊下木石如雨憲中鎗顛幹前救父力戰

陸匪死寇劍重被執罵不絕口賊怒支解之事聞貽憲按察使幹陞二級令有司旌其門曰孝烈 丁酉振四

川饑 是月山東殘賊自冠縣劫朝城大同指揮謝琴率兵追之斬首七級力戰而死時流賊雖已敗特聞復

嘯聚少者百人多或千人甯陽鄒費臨邑高唐諸州縣復遭蹂躪巡檢劉斌潘佑皆死之詔分別贈卹 上以

黑書之異京城內外謠言迭起欲命谷大用仍舊提督官校外外緝訪大學士李東陽力諫不納 八月己酉

總制都御史陳金勦姚源洞賊平之初姚源賊殷勇十洪瑞七鄒成七等復先後起積年猖獗金受總制之命

募鄉兵得五六萬人令秦政董朴吳廷舉等分營餘千貴溪安仁鄱陽樂平遏其要害金親統軍搗其巢勇十

劍重死會副總兵張勇以土兵至毒弩射殺瑞七等俘斬五千餘人金以提聞時賊聞敗沿途潰散而土兵虐

而貪姚源敗賊賂之乘夜遁走貴溪廷舉以土兵追及于弋陽賊復轉掠徽衢聞金更假作賊僭號以張其功

朝廷不知賊首王浩八乞降竟許之改異金平姚源賊事見明史本傳而土兵受賂 初劉七等賊在長江一

帶乘潮上下官兵所遇輒敗已而賊治舟孟濱陸完等至鎮江留仇鉞防守令溫恭以騎兵駐江北自督劉暉

卻承等以舟師趨江陰福山港七月十八日賊至通州其夜颶風大作舟壞乃奔狼山二十一日完遣同知羅

璋等爲鄉導率諸將登狼山列陣以戰賊敗奔山頂矢石交下暉自山北承自山南皆蒙盾自蔽揮刃而上齊

彥名中鎗死劉七率其親信數十人下山謀奪小舟逸官兵列岸攢矢射之七中矢溺水死餘黨殲焉霸州之

賊至是遂平改異實錄七月壬申朔八月壬寅朔而皇明通紀紀事本末所敘日分皆係七月支而系之八

月及致之實錄則破狼山之賊實在七月而書八月癸亥者據奏至之月日也實錄所記七月

十八日賊至通州遇颶風及二十八日破賊狼山事皆原奏月日至八月癸亥始奏至京師故據書之大氏實

錄載冬據奏報月日而破賊必在前一月兩月不等諸書系之八月亦自不誤而所書丁丑壬辰等日丁丑

則七月初六日壬辰則七月二十一日是誤以七月之干支繫之八月下此則其 癸亥陸完等以捷聞賜敕獎

推麻之失辭也今仍據實錄書八月癸亥而別系破賊月日于癸亥報捷之前 癸亥陸完等以捷聞賜敕獎

勵是役也以數盜橫行中原殺人滿野村市爲墟喪亂之慘百數十年所未有京軍再出無功乃調諸邊之兵

竭天下之力經三載賊以舍陸從舟困于暴風實天厭其虐非專恃兵力所致云 是月江西增設東鄉縣于

撫州府以臨川縣之孝岡又析金谿進賢餘干安仁四縣地置焉又增設萬年縣于饒州府以餘干縣之萬春

鄉又析都陽樂平及貴溪三縣地置焉從總制都御史陳金請也改異諸書或以爲陳金或以爲俞諫惟三編

目申系之九月平華林賊下明史地理志七

月通監卷四十四

年八月置則陳金任內事也實錄系之八月庚午下今據書于八月之末

九月乙酉陳金討華林賊平之先是副使周憲遇害于華林軍潰南昌

知府李承勛單騎入憲營眾乃復集金卽檄承勛代之賊黨王奇聽撫搜其衷刃釋之置麾下奇感激誓死承

勛遣奇密入砦說降其黨約期爲內應至期承勛率銳卒五百人夜銜枚登山令奇前導歷重險抵賊壘羣賊

方酣寢奇拔柵率眾入五百人大呼奮擊內應者起來攻賊倉卒不知所爲四奔山谷尋斬賊渠羅光權及其

黨胡雪二等華林遂平自金出兵勦東鄉甫八閱月破劇賊幾盡惟所用士兵貪殘嗜殺剽掠甚于賊有巨族

數百口闔門罹害者所獲婦女率指爲賊屬載數千艘去民間謠曰土賊猶可士兵殺我金亦知民患之方倚

以討賊不爲禁又不能持廉軍資頗私人士民皆深怨焉戊子召總制四川軍務洪鍾還以彭澤在河南有

平賊功擢右都御史總制四川軍務代之鍾以不能戢下爲巡按御史王綸紀功御史汪景芳所劾尋四川賊

自合州渡江陷銅梁榮昌等縣殺驛丞侯忠等直趨內江遂甯諸州縣綸再劾之遂有是命鍾既召還尋乞歸

丙申賜義子二百二十七人皆國姓初中官奴卒及市井桀黠偶爲上所悅者輒收爲義子永壽伯朱德及

都督朱甯朱安爲首其次朱國朱福朱剛皆至都督餘則授都指揮指揮千百戶鎮撫旗舍之等時有朱靜等

五人皆亡虜亦至千戶自後賜姓者日益多云是月狼山餘賊十二人奔入泰興主簿黃璉率兵追之爲賊

所殺贈知縣冬十月戊申旌表直隸沙河縣生員王得時等女玉梅等十人玉梅爲賊所奪欲汙之不從遂

支解之其九人則大名縣民李欽女王得山女錢雄女駢珩妻王氏王表妻張氏黃縣民馮茂女李瓚妻馮氏

魏縣民楊善妻劉氏及其女皆死于賊者也甲子增建豹房工部上言豹房之造迄今五年所費白金二十

四萬餘兩今又增修房屋二百餘間國乏民貧何以爲繼乞卽停止或量減其半不聽是月免河南江西浙

江被災及被寇者稅糧以平賊功加陸完太子太保時王鼎罷遂擢完都察院左都御史侍郎李士實爲右

都御史十一月壬申命填守河南總兵官時源佩平賊將軍印充總兵官會總制彭澤討四川賊澤請之也

下亥留宣府大同遼東兵于京營先是河南賊平兵部議以仇餞所部邊軍酌留三之一備賊餘悉遣還其

劉暉時源卻永李鉉分鎮山東河南等處亦令各留千人餘亦遣還至是遼東宣府大同軍過關賞勞上方好